

SISONS é un proxecto de gran interese para o sector cultural galego e do noroeste da península ibérica, polocalidade das propostas que se van a seleccionar, o obxectivo da súa difusión e a potenciación dos intereses conxuntos da música en Galicia.

Para iso, durante a celebración da feira/festival tratarase de buscar sinerxias con outras entidades para alcanzar outros públicos e reforzar a comunicación desde aspectos turísticos, ambientais, sociais, educativos colaborando con outros axentes e outras sensibilidades coa música e os seus valores.

CONVOCATORIA ARTISTAS SISONS ENCLAVE MUSICAL 2022

SISONS convida os artistas do sector musical a participar en SISONS 2022. Trátase dun encontro aberto ao público que reunirá a profesionais do sector cultural e musical, contará con multitude de charlas, relatorios, showcases, concertos e actividades paralelas. O obxectivo principal é a dinamización da vida cultural e a promoción das actividades musicais e artísticas.

A finalidade desta convocatoria de carácter pública é convidar a presentar propostas musicais, para formar parte do proceso selectivo, que lles permitirá participar en SISONS Enclave Musical 2022, e ter así a oportunidade de realizar intercambios que potencien a circulación das súas obras artísticas.

CRONOGRAMA DA CONVOCATORIA ARTISTAS

Apertura: 13 de Maio de 2022

Peche: 30 de Xuño de 2022

Proceso de avaliación de candidaturas: 30 de Xuño ao 17 de Xullo de 2022

Publicación de resultados: 22 de Xullo de 2022

PARTICIPANTES

Poderán participar na presente convocatoria, persoas físicas, agrupacións ou colectivos de artistas de procedencia nacional e internacional que desempeñen a súa actividade de maneira profesional na disciplina musical.

PRESENTACIÓN DA PROPOSTA

O proceso de inscrición deberá ser realizado a través da plataforma virtual mostrada na páxina web: www.sisons.gal

Para ARTISTAS:

1. Acreditar polo menos **un ano (1) de experiencia**, deberá ser debidamente acreditado mediante imaxes, material audiovisual e de prensa, premios, recoñecementos ou outros.
2. Aceptar os termos e condicións da convocatoria, así como o manexo de datos por parte das entidades organizadoras do evento.
3. Completar e rematar a inscrición dentro do prazo establecido. Todas aquelas inscricións incompletas, rematadas fóra de prazo ou que non acepten as condicións ou termos establecidos quedarán excluídas do proceso.

4. Anexar e incluír os requisitos obrigatorios que se relatan a seguir:

- Poderán participar grupos e/ou agrupacións musicais de maneira profesional e que desenvolvan a súa actividade ligada ás músicas actuais.
- Acreditar un mínimo de **cinco (5) actuacións en vivo**, para iso os artistas poderanse apoiar en programas de man, notas de prensa, fotografías, vídeos ou programacións impresas.
- Incluír unha recensión artística que recolla: orixe, xénero musical e traxectoria da agrupación.
- Dispoñer de polo menos unha produción discográfica (EP, CD ou Gravación dixital). Deberase especificar título, ano de produción, portada e selo discográfico.
- Incorporar un dossier que inclúa información xeral da produción, rider técnico, créditos de autoría das cancións, produtores, agenciamiento, entre outros.
- Referenciar material audiovisual en calquera das plataformas dixitais: Spotify, Deezer, SoundCloud, iTunes, DailyMotion, Youtube e/ou Vimeo, entre outros, nos formatos requiridos.

SOBRE AS MOSTRAS ARTÍSTICAS

SISONS programará presentacións promocionais que serán de 30 minutos de duración. As presentacións serán realizadas polos artistas seleccionados pola organización e estarán dirixidas a programadores e programadoras participantes no mercado e público en xeral.

Os e as artistas solicitados en participar nas presentacións promocionais, deben ter en conta que a organización asumirá en concepto de gastos de viaxe e manutención a contía de 600€ para os artistas ou agrupacións procedentes da comunidade autónoma de Galicia e 1000€ para aqueles de procedencia nacional. A organización do SISONS proporcionará aos artistas seleccionados o escenario e equipos técnicos adecuados para a presentación.

Importante: A avaliación dos participantes para as mostras artísticas levará a cabo a través do material audiovisual de actuación en vivo que achegue o artista, grupo ou compañía no formulario de rexistro. No caso de non recibir este material quedará excluído da devandita fase.

AVALIACIÓN E SELECCIÓN DAS PROPOSTAS

A organización do evento designará un xurado composto por expertos do sector musical cunha ampla traxectoria, que avaliará as propostas enviadas e emitirá a relación de grupos ou artistas seleccionados.

Os criterios de avaliación a aplicar polo xurado serán os que seguen:

- a) O primeiro criterio a valorar será a calidade da actuación en función dos soportes entregados que se incluírán por medio do formulario.
- b) O segundo criterio será a traxectoria e experiencia do grupo ou artista candidato. Para iso terase en conta a obtención de premios, recoñecementos, éxitos alcanzados.
- c) Valoraranse tamén críticas de prensa, recensións ou a participación noutras feiras ou festivais de relevancia.
- d) O xurado baixo a súa experiencia avaliará a proxección da proposta presentada polas composicións musicais.

Procedemento de selección da oferta:

1. O xurado elixirá mediante o sistema de votación as mellores propostas da convocatoria.
2. O incumprimento de algún dos requisitos obrigatorios supoñerá a exclusión da proposta presentada.
3. Os resultados deberán figurar nunha acta asinada polos compoñentes do tribunal, no que se deberá incluír o nome da proposta e a puntuación alcanzada de cada un dos participantes.
4. A lista de ecos aspirantes seleccionados publicárase o 22 de Xullo de 2022 na páxina web www.sisons.gal
5. Contra os resultados da convocatoria non procederá recurso ningún.
6. A inscrición á presente convocatoria coa correspondente presentación de propostas enténdese como a autorización expresa por parte do participante seleccionado, para a publicación e exhibición dos seus produtos con propósitos estritamente promocionais nos medios que se consideren oportunos por parte da organización de SEASONS, sen que o participante poida solicitar remuneración algunha por tales actividades.

DEREITOS E OBRIGAS DOS PARTICIPANTES

Os e as participantes na convocatoria comprométese coa organización do evento a:

- Cumprir as normas de protección dos dereitos de autor con todos e cada un dos produtos, obras artísticas, interpretacións ou execucións artísticas, que formen parte das propostas presentadas. En caso de ser seleccionado e non ser o titular dos dereitos de autor sobre as obras, interpretacións ou execucións involucradas na proposta presentada a esta convocatoria, deberá tramitar ante o titular as respectivas licenzas requiridas para o seu uso.
- Certificar de maneira documental que todos os membros das agrupacións ou compañías e o seu equipo artístico, no momento da execución do seu espectáculo, en caso de ser seleccionados, atópanse cumprindo a normativa laboral e administrativa, presentando calquera documentación referida

á actividade, solicitada pola organización de SIONS no prazo e forma que esta determine

- Autorizar á organización do evento para divulgar as propostas seleccionadas e facer uso do material subministrado con remates promocionais en ningún tipo de remuneración.
- Aceptar as bases e o regulamento da convocatoria, así como calquera aclaración ou modificación dos mesmos.
- Cumprir coas condicións sinaladas no presente documento, sendo entendido que o participante deberá practicalas durante todo o termo da convocatoria.
- Se nalgún momento o solicitado incumpra estas condicións, poderá ser excluído da convocatoria.
- Aceptar o resultado da convocatoria e participar activamente.
- Asistir e participar en SIONS 2022 que se realizará entre o 13 e o 16 de outubro en Santiago de Compostela.
- Os artistas seleccionados para as mostras artísticas comprométese a enviar os documentos e material requirido polo equipo de produción nos tempos definidos, así como a respectar os tempos de proba de son e ensaios das Mostras Artísticas (Showcase) establecidos.

DEBERES DA ORGANIZACIÓN

- Proporcionar espazos debidamente acondicionados para a mostra das propostas dos artistas seleccionados.
- Elaborar un plan de traballo coordinado que permita ás compañías unha correcta execución das mostras artísticas.
- Convocar e convidar a programadores, produtores e demais profesionais solicitados na oferta cultural.
- Organizar e coordinar o SIONS 2022 que se desenvolverá do 13 ao 16 de Outubro de 2022 en Santiago de Compostela.

Para máis información achega do proceso de inscrición para artistas e profesionais poden poñerse en contacto co correo electrónico:

info@sisons.gal

Colaboran:

MusicArte



XUNTA
DE GALICIA



Xacobeo 21-22
Galicia



Deputación
DA CORUÑA



CONCELLO DE
SANTIAGO



ASOCIACIÓN GALEGA
DE PROFESIONAIS DA
XESTIÓN CULTURAL



Músicas
ao Vivo

